

МОЛИТВЫ ВО ВРЕМЯ КЛИРОСНОГО ПОСЛУШАНИЯ

О умножении любви

Тропарь, глас 4-й: Союзом любви апостолы Твоя связавый, Христэ, и нас, Твоих верных рабов к Себе тем крепко связав, творити заповеди Твоя, и друг друга любить нелицемерно сотвори, молитвами Богородицы, Едине Человеколюбче.

Кондак, глас 5-й: Пламенем любви распали к Тебе сердца наша, Христэ Бже, да тою разжигаеми, сердцем, мыслию же и душею, и всею крепостию нашею возлюбим Тя, и искреннего своего яко себе, и повеления Твоя храняще славим Тя, всех благ Дателя.

Из ектении: Господи Бже наш, милостивно, яко Благ, призри на иссохшую в любви землю сердца нашего, и тернием ненависти, самолюбия же, и неисчетных беззаконий люте оляденевшую: и каплю благодати Пресвятаго Твоего Духа испустив, богато ороси ю, во еже плодоносить, и возрастити от горящего к Тебе любви, всех добродетелей корень страх Твой, и о искреннего спасении неленостное попечение, всех же страстей, и многообразных лукавств, и лицемерия искоренение, прилежно яко всех Благодателя молим, скоро услыши и человеколюбно помилуй.

О ненавидящих и обидящих нас

Тропарь, глас 4-й: О распенших Тя моливыйся, Любодушне Господи, и рабом Твоим о вразех молитися повелевый, ненавидящих и обидящих нас прости, и от всякаго зла и лукавства к братолюбному и добродетельному настави жителству, смиренно мольбу Тебе приносим; да в согласном единомыслии славим Тя, Единого Человеколюбца.

Кондак, глас 5-й: Якоже первомученик Твой Стефан о убивающих его моляще Тя, Господи, и мы припадающе молим, ненавидящих всех и обидящих нас прости, во еже ни единому от них нас ради погибнути, но всем спастися благодатию Твоею, Бже Всещедрый.

Молитва о примирении враждующих

Владыко Человеколюбче, Царю веков и Подателю благих, разрушивший вражды средостения и мир подавший роду человеческому, даруй и ныне мир рабам Твоим и друг к другу любовь утверди: угаси всяку распрю, отыми вся разногласия и соблазны. Яко Ты еси мир наш и Тебе славу возсылаем, Отцу и Сыну и Святому Духу, ныне и присно и во веки веков. Аминь.

Пресвятой Богородице перед Ее иконой «Умягчение злых сердец», или «Семистрельная»

Тропарь, глас 5-й: Умягчи наша злая сердца, Богородице, и напасти ненавидящих нас угаси, и всякую тесноту души нашея разреши. На Твой бо святыи образ взирающе, Твоим страданием и милосердием о нас умиляемся и раны Твоя лобызаем, стрел же наших, Тя терзающих, ужасаемся. Не даждь нам, Мати Благосердая, в жестокосердии нашем и от жестокосердия ближних погибнути. Ты бо еси воистину злых сердец умягчение.

Кондак, глас 2-й: Благодатию Твоею, Владычице, умягчи сердца злодеев, низпосли благодетелей, соблюдающих их от всякаго зла, благомолящимся усердно пред честными иконами Твоими.

Молитва: О, многоскорбная Мати Божия, Превышшая всех дочерей земли, по чистоте Своей и по множеству страданий, Тобою на земли пренесенных! Приими многоблезненная воздыхания наша и сохрани нас под кровом Твоей милости. Инаго бо прибежища и теплаго предстательства, разве Тебе, не вемы, но, яко дерзновение имущи ко Иже от Тебе Рожденному, помози и спаси ны молитвами Своими, да непреткновенно достигнем Царствия Небеснаго, идеже со всеми святыми будем воспевати хвалу в Троице Единому Богу, всегда, ныне и присно и во веки веков. Аминь.

Молитва ко Господу о прощении, заступлении и помощи

В руке Твоего превеликаго милосердия, о Боже мой, вручаю душу и тело мое, чувства и глаголы моя, советы и помышления моя, дела моя и вся тела и души моея движения. Вход и исход мой, веру и жительство мое, течение и кончину живота моего, день и час издыхания моего, преставление мое, упокоение души и тела моего. Ты же, о Премилосерде Боже, всего мира грехами непреодолеваемая Благость, незлобиве Господи, мене, паче всех человеков грешнейшаго, прими в руку защитения Твоего и избави от всякаго зла, очисти многое множество беззаконий моих, подаждь исправление злому и окаянному моему житию и от грядущих грехопадений лютых всегда возмущай мя, да ни в чемже когда прогневаю Твое человеколюбие, имже покрывай немощь мою от бесов, страстей и злых человеков. Врагом видимым и невидимым запрети, руководствуя мя спасенным путем, доведи к Тебе, пристанищу моему и желаний моих краю. Даруй ми кончину христианскую, непостыдную, мирную, от воздушных духов злобы соблюди, на Страшном Твоем Суде милостив рабу Твоему буди и причти мя одесную благословенным Твоим овцам, да с ними Тебе, Творца моего, славаю во веки. Аминь.

Молитвы святым об обретении искуства церковнаго пения и чтения

Святый праведный царю Давиде Псалмопевче, священномучениче Игнатие Богослове, святителю отче Кирилле, архиепископе Александрийский, святителю отче Амвросие, епископе Медиоланский, святители Василий Великий, Григорий Богослове и Иоанне Златоусте, преподобне отче Ефреме Сирине, преподобне отче Савво Освященный, святителю отче Софроние, патриарше Иерусалимский, святителю отче Андрее, архиепископе Критский, преподобне отче Иоанне Дамаскине, преподобне отче Космо Манукий, преподобне отче Феофане исповедниче, епископе Никейский, преподобне отче Романе Глугопее, преподобне отче Феодоре Студите, преподобне Иосифе Песнопее, преподобнии Иоанне Куккузле и Григорие Доместиче, святии равноапостольнии Кирилле и Мефодие, первоучители Словенские, преподобнии Геронтие и Леонтие, канонарси Печерские, святителю отче Димитрие, митрополите Ростовский, святителю отче Нектарие Эгинский, митрополите Пентапольский, преподобне отче Лаврентие Черниговский, священномучениче Афанасие, епископе Ковровский.